

1690

KPMG B-H d.o.o. za reviziju  
Zmajica od Bosne 7-7a  
71000 Sarajevo  
Bosna i Hercegovina

Telefon +387 (0)33 941 500  
Telefax +387 (0)33 590 428  
Internet www.kpmg.ba  
E-mail info@kpmg.ba



## UGOVOR o ograničenju odgovornosti

Zaključen između:

KPMG B-H d.o.o. za reviziju,

i  
Brodograđevna Industrija Split d.d., xxxx

i  
Jure Krtačić, xxxx

### Uvodne odredbe

#### Član 1

Društvo KPMG B-H d.o.o. za reviziju („KPMG“) je dostavilo ponudu Općinskom sudu Sarajevu („Sud“) za vještačenje u predmetu br. 58 0 P 224387 20 P („Predmet“) u kome su društva Brodograđevna industrija Split d.d. i Jure Krtačić strane u sporu („Strane“).

#### Član 2

Sud je KPMG B-H dostavio Rješenje datirano 21. marta 2022. godine („Dopis“) u kome se KPMG B-H poziva da uzme učešće u predmetu (broj gornji) u svojstvu vještaka finansijske struke.

#### Član 3

U odnosu na angažman KPMG B-H strane potpisivanjem ovog ugovora prihvataju obaveze i ograničenja odgovornosti uređena ovim ugovorom.

### Obaveze Strana

#### Član 4

KPMG B-H ne prihvata niti preuzima odgovornost prema bilo kome, osim prema Stranama i prema Sudu kojem će izvještaj biti izdat, za svoj rad, za izvještaj ili za bilo koje mišljenje



koje je KPMG B-H iznio. Izvještaj će biti izdat u sklopu rada KPMG B-H koji će biti izvršen na osnovu rješenja Suda, kako bi KPMG B-H mogao dati svoje mišljenje o predmetnim pitanjima i ni u koje druge svrhe.

#### Član 5

Strane nisu ovlaštene da izvještaj ili bilo koje mišljenje koje je KPMG B-H iznio podjele sa trećim licima bez prethodne pismene saglasnosti KPMG B-H. Ovo ograničenje se ne odnosi na komunikaciju Strana sa svojim pravnim savjetnicima i sa Sudom.

#### Ograničenje odgovornosti

#### Član 6

U odnosu na angažman KPMG B-H na vještačenju u Predmetu:

KPMG B-H će svakoj od Strana biti obavezan da nadoknadi direktnu štetu koja za pogođenu Stranu nastane na osnovu profesionalne greške KPMG B-H uzrokovane običnom nepažnjom KPMG B-H s tim da će odgovornost KPMG B-H u ovom smislu biti ograničena na iznos naplaćenih naknada za usluge vještačenja u Predmetu.

U slučaju profesionalne greške KPMG B-H nastale uslijed grube nepažnje ili namjerne radnje KPMG B-H, KPMG B-H će biti obavezan da pogođenim Stranama nadoknadi direktnu štetu bez ograničenja.

Odgovornost KPMG B-H za naknadu izgubljene dobiti Stranama je ovim ugovorom isključena u najvećoj mjeri dozvoljenoj zakonom.

Radi izbjegavanja sumnji, ograničenje odgovornosti uređeno ovim ugovorom te ostale obaveze koje za Strane proizlaze iz ovog ugovora ne isključuju, umanjuju ili kvalifikuju odgovornost KPMG B-H prema Sudu na osnovu Zakona o parničnom postupku FBiH te ostalim zakonima primjenjivim u FBiH, a koja odgovornost proizlazi iz angažmana KPMG B-H na vještačenju u Predmetu.

#### Završne odredbe

#### Član 7

Mjerodavno pravo ugovora će biti pravo Federacije Bosne i Hercegovine, a u slučaju sporova povodom istog Općinski sud u Sarajevu će biti isključivo nadležan za rješavanje istih.



Član 8

Molim da potvrdite vaš pristanak i prihvatanje odredbi ovog ugovora potpisivanjem, datiranjem ovog ugovora u dva primjerka.

**KPMG B-H d.o.o. za reviziju,**

\_\_\_\_\_  
(štampanim slovima navesti ime zastupnika)

\_\_\_\_\_  
(svojeručni potpis zastupnika)

\_\_\_\_\_  
(datum potpisa)

MP

**Brodograđevna industrija Split d.d.**

\_\_\_\_\_  
(štampanim slovima navesti ime zastupnika)

\_\_\_\_\_  
(svojeručni potpis zastupnika)

\_\_\_\_\_  
(datum potpisa)

MP

**Jure Krtalić**

\_\_\_\_\_  
(štampanim slovima navesti ime zastupnika)

\_\_\_\_\_



(svobodučni podpis zastupnika)

\_\_\_\_\_  
(datum potpisa)

MP